



საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

ალფენიძე ვლადიმერ ტარასის ძე

ალფენიძე ვლადიმერ ტარასის ძე (ფსევდ. ლადო ბახტრიონელი) (3. III. 1937, სოფ. ოტობაია, გალის ახლანდ. მუნიციპალიტეტი, – 2002, თბილისი), უურნალისტი, მწერალი. საქართვ. დამს. უურნალისტი (1981).

დაამთავრა მოსკ. მ. ლომონოსოვის სახ. სახელმწ. უნ-ტის უურნალისტის ფაკ-ტი. სხვადასხვა დროს გალის რაიონული გაზეთის ლიტ. მუშაკი, გაზ. „კომუნისტის“ მთავარი რედაქტორის თანაშემწე, პარტიის თბილ. საქალაქო და ცკ-ის პირველი მდივნის თანაშემწე. 1986-89 იყო საქართვ. მეცნ., ლიტ-რისა და ხელოვნ. მუშაკთა საავტორო უფლებების რესპ. სააგენტოს ხელმძღვანელი, სახელმწიფოს მეთაურის აპარატის მთავარი სახელმწ. მრჩეველი. პირველი პოეტური ნაწარმოები „საახალწლო ზღაპარი“ 1954 გამოაქვეყნა, პირველი წიგნი, ლექსების კრებ. „მთები და სიქაბუკე“ – 1963. მისი მხატვრ. ნაწარმოებებიდან აღსანიშნავია მოთხრობების კრებ. „ოცდაცამეტი მზის სახოვანი ბრძენი იაკობი“ (1976; ი. გოგებაშვილის პრემია, 1977), რომანები „ცურტავის ზარები“ (1978), „სიყვარული და უკვდავება“ (ტრილოგია, „დუელი მგლის ველზე“, 1980; „მწვერვალები და უფასურულები“, 1981; „სიკვდილი ქრისტეს ასაკში“, 1982), რომანების, მოთხრობებისა და ლექსების კრებ. „საწუთო“ (1988), პუბლიც. წიგნები „პორტუგალიური დღიურები“ (1979), „ბრაზილიური დიალოგები“ (1980).

ა-ის ნაწარმოებები თარგმნილია უცხოურ ენებზე.

მიღებული აქვს სახელმწ. ჭილდოები.